

卷

三十九
四十一

葉氏
批評

景岳全書

上海廣益書局
印行



加批
詳評
景岳全書

卷三十九

人集婦人下

會稽張介賓會卿著

長洲葉桂天士評

古吳江家楨忍庵訂

產育類

(三) 滑胎

妊娠滑胎之法。惟欲其坐草之期。易而且速。而難易之由。則在血之盈虛。不在藥之滑利。蓋血多則潤。而產必易。血虧則澀。而產必難。故於未產之前。但宜以培養氣血為主。而預為之地。如四物湯。滑胎煎。五福飲。小營煎。八珍湯之類。即皆滑胎之要藥。（案）胎前不必滑。養血補藥。反能凝滯胃口。不快飲食。不進之戒。七情為要。若不知此。而過用滑利等物。或產期未近。無火無滯。而妄用清火行滯。沉降若寒等藥。必皆暗耗榮氣。走泄真陰。多致血虧氣陷。反為臨期大害。若果肥盛氣實者。則紫蘇飲保生無憂散。滑胎枳壳散之類。皆可擇用。

(三) 催生

凡妊娠胎元完足。彌月而產。熟落有期。非可催也。所謂催生者。亦不過助其氣血而利導之耳。直待臨期。乃可用脫花煎。或滑胎煎。隨證加減主之。或經日久。產母困倦難生。俱宜服滑胎煎。以助其氣血。令兒速生。其有氣虛無力。艱於傳送者。必用獨參湯。隨多隨少。接濟其力。皆為催



